

CYNGOR - DYDD MERCHER, 18 HYDREF 2023

COFNOD PENDERFYNIADAU o GYFARFOD O'R CYNGOR A GYNHALIWYD YN HYBRID YN SIAMBR Y CYNGOR SWYDDFEYDD  
DINESIG, ANGEL STREET, PEN-Y-BONT AR OGWR, CF31 4WB /O BELL TRWY MICROSOFT TEAMS AR DDYDD MERCHER, 18  
HYFREF 2023 AM 16:00

Presennol

Cynghorydd W J Kendall – Cadeirydd

S Aspey	H T Bennett	A R Berrow	F D Bletsoe
S J Bletsoe	JPD Blundell	E L P Caparros	HJ David
C Davies	C L C Davies	P Davies	M J Evans
N Farr	P Ford	J Gebbie	W R Goode
RM Granville	H Griffiths	S J Griffiths	D T Harrison
M L Hughes	D M Hughes	RM James	P W Jenkins
M R John	M Jones	M Lewis	J Llewellyn-Hopkins
RL Penhale-Thomas	J E Pratt	R J Smith	JC Spanswick
I M Spiller	T Thomas	G Walter	A Wathan
A Williams	AJ Williams	HM Williams	I Williams
MJ Williams	R Williams	E D Winstanley	T Wood

Ymddiheuriadau am Absenoldeb

N Clarke, RJ Collins, S Easterbrook, MJ Kearns a JH Tildesley MBE

Swyddogion:

Mark Galvin

Lindsay Harvey

Rachel Keepins

Carys Lord

Uwch Swyddog Gwasanaethau Democrataidd - Pwyllgorau

Cyfarwyddwr Corfforaethol Addysg a Chymorth i  
Deuluoedd

Rheolwr Gwasanaethau Democrataidd

Prif Swyddog - Cyllid, Perfformiad a Newid

**CYNGOR - DYDD MERCHER, 18 HYDREF 2023**

Claire Marchant

Janine Nightingale

Michael Pitman

Alex Rawlin

Mark Shephard

Kelly Watson

Cyfarwyddwr Corfforaethol Gwasanaethau Cymdeithasol a  
Llesiant

Cyfarwyddwr Corfforaethol - Cymunedau

Swyddog Cymorth Technegol – Gwasanaethau  
Democrataidd

Rheolwr Polisi Corfforaethol a Materion Cyhoeddus

Prif Weithredwr

Prif Swyddog Gwasanaethau Cyfreithiol, AD a Rheoleiddiol

Datganiadau o Fuddiannau  
FIELD\_DECL\_INTEREST

Teitl yr Adroddiad	Ymddiheuriadau am absenoldeb
Penderfyniad a Wnaed	Derbyniwyd gan y Cynghorwyr S Easterbrook, M Kearn, R Collins ac N Clarke.
Dyddiad y Gwnaed y Penderfyniad	18 Hydref 2023

Teitl yr Adroddiad	Datganiadau o Fuddiannau
Penderfyniad a Wnaed	Cafodd y datganiadau o fuddiant personol a ganlyn eu gwneud:-  Cynghorydd W Kendall – Eitem 8 ar yr Agenda, oherwydd bod ei wŷr yn mynychu Ysgol Brynteg Cynghorydd P Davies – Eitem 8 ar yr Agenda, Fel aelod o Gyngor Tref Maesteg Cynghorydd J Gebbie – Eitem 8 ar yr Agenda, fel aelod o Gyngor Cymuned Castellnewydd ar Ogwr a oedd yn derbyn Cyllid Trosglwyddo Asedau Cymunedol Cynghorydd P Jenkins – Eitem 8 ar yr Agenda, oherwydd materion draenio tir yn ei eiddo yn deillio o waith y Cynllun Golchi. Cynghorydd M Williams – Eitem 8 ar yr Agenda, oherwydd ei fod yn rhiant i ddisgybl oedd yn mynychu Ysgol Brynteg

**CYNGOR - DYDD MERCHER, 18 HYDREF 2023**

	<p>Cynghorydd R Goode – Eitem 8 ar yr Agenda, oherwydd ei fod yn Llywodraethwr yn Ysgol Gynradd Nant-y-moel</p> <p>Cynghorydd E Winstanley – Eitem 6 ar yr Agenda, oherwydd ei bod yn gweithio i Ymddiriedolaeth Ddiwylliannol Awen</p> <p>Cynghorydd JC Spanswick – Eitem 8 ar yr Agenda, fel tad-cu i blentyn yn Ysgol Brynteg ac yn derbyn iPad</p> <p>Cynghorydd Amanda Williams – Eitem 8 ar yr Agenda, oherwydd bod ei merch yn mynychu Ysgol Brynteg ac yn derbyn iPad</p> <p>Cynghorydd M Evans – Eitem 8 ar yr Agenda, sef ei bod yn aelod o Gyngor Tref Pencoed</p> <p>Cynghorydd JP Blundell – Eitem 8 ar yr Agenda, fel Llywodraethwr Ysgol Gyfun Bryntirion</p> <p>Cynghorydd J Pratt – Eitem 10 ar yr Agenda, fel aelod o Gymdeithas Chwilio ac Achub Gwylwyr y Glannau Ei Mawrhydi</p> <p>Cynghorydd I Williams – Eitem 8 ar yr Agenda, fel Llywodraethwr yn Ysgol Brynteg</p> <p>Cynghorydd H Bennett – Eitem 8 ar yr Agenda, fel aelod o Gyngor Cymuned Castellnewydd ar Ogwr a oedd yn derbyn Cyllid Trosglwyddo Asedau Cymunedol</p> <p>Cynghorydd R Williams – Eitem 8 ar yr Agenda, fel aelod o Gyngor Tref Pencoed</p> <p>Cynghorydd R Smith – Eitem 8 ar yr Agenda, gan fod ei fab yn mynychu canolfan ASD yn Ysgol Iau Llangewydd.</p>
Dyddiad y Gwnaed y Penderfyniad	18 Hydref 2023

Teitl yr Adroddiad	Cymeradwyo'r Cofnodion
Penderfyniad a Wnaed	<b><u>PENDERFYNWYD:</u></b> Cymerdawyo Cofnodion o gyfarfod o'r Cyngor dyddiedig 20 Medi 2023 fel cofnod gwir a chywir, yn amodol ar ychwanegu'r Cynghorydd Della Hughes at restr mynychwyr y cyfarfod hwn.
Dyddiad y Gwnaed y Penderfyniad	18 Hydref 2023

Teitl yr Adroddiad	I dderbyn cyhoeddiadau gan:
Penderfyniad a Wnaed	<ul style="list-style-type: none"><li>• Y Maer</li></ul>

**CYNGOR - DYDD MERCHER, 18 HYDREF 2023**

	<ul style="list-style-type: none"><li>• Dirprwy Arweinydd ac Aelod Cabinet Gwasanaethau Cymdeithasol ac Iechyd</li><li>• Aelod Cabinet – Cymunedau</li><li>• Aelod Cabinet – Newid Hinsawdd a'r Amgylchedd</li><li>• Aelod Cabinet – Diogelwch Cymunedol a Lles</li><li>• Aelod Cabinet – Tai, Cynllunio ac Adfywio</li><li>• Aelod Cabinet – Cyllid, Adnoddau a Chyfreithiol</li></ul> <p>(Ni wnaed unrhyw benderfyniadau mewn perthynas â'r uchod.)</p>
Dyddiad y Gwnaed y Penderfyniad	18 Hydref 2023

Teitl yr Adroddiad	Derbyn cyhoeddiadau gan yr Arweinydd
Penderfyniad a Wnaed	Derbyniwyd datganiadau gan yr Arweinydd (nid oes angen penderfyniadau).
Dyddiad y Gwnaed y Penderfyniad	18 Hydref 2023

Teitl yr Adroddiad	Cyflwyniad i'r Cyngor gan Brif Weithredwr Ymddiriedolaeth Ddiwylliannol Awen
Penderfyniad a Wnaed	<p>Cyflwynodd y Prif Weithredwr adroddiad, er mwyn hysbysu'r Aelodau o gyflwyniad y bwriedir ei roi gan gynrychiolwyr Ymddiriedolaeth Ddiwylliannol Awen.</p> <p>Yna rhoddodd cynrychiolwyr Ymddiriedolaeth Ddiwylliannol Awen gan gynnwys y Prif Weithredwr Mr Richard Hughes (â chymorth Ceri Evans), gyflwyniad PowerPoint ar waith yr Ymddiriedolaeth er gwybodaeth i'r aelodau. Roedd hyn yn cwmpasu rhai pwyntiau a cherrig milltir allweddol, a oedd yn cynnwys y canlynol:-</p> <ul style="list-style-type: none"><li>• Nod Ymddiriedolaeth Ddiwylliannol Awen yw 'Gwneud Bywydau Pobl yn Well' trwy'r cyfleusterau a'r gweithgareddau diwylliannol o fewn y cyfleusterau y maent yn eu darparu;</li><li>• Dechreuodd y bartneriaeth â CBS Pen-y-bont ar Ogwr yn 2015 ac roedd am gyfnod o 20 mlynedd</li></ul>

	<p>– ac mae 8 mlynedd wedi mynd heibio ers i gytundeb i weithio ar y cyd ddechrau;</p> <ul style="list-style-type: none"><li>• Roedd y Contract a Rennir ar gyfer parhad darpariaeth gwasanaeth rhwng Ymddiriedolaeth Ddiwylliannol Awen a CBS Pen-y-bont ar Ogwr am gyfnod o 20 mlynedd (yn dechrau yn 2015), gydag arbedion o dros £800,000 wedi'u gwneud o weithrediad y gwasanaeth yn ystod y cyfnod hwn;</li><li>• Nid yw Elw Elusen Gofrestredig yn cael ei ddsbarthu'n allanol ond yn cael ei ailfuddsoddi yn y busnes;</li><li>• Mae'r gwasanaeth yn cyfrannu at:<ol style="list-style-type: none"><li>1. Gynhwysiad cymdeithasol ac yn mynd i'r afael ag arwahanrwydd cymdeithasol;</li><li>2. Blynyddoedd Cynnar;</li><li>3. Sgiliau llythrennedd a throsglwyddadwy;</li><li>4. Cymhwysedd a chynhwysiad digidol;</li><li>5. Bywydau annibynnol;</li><li>6. Gwirfoddoli ac Ymgysylltu Lleol;</li><li>7. Mwynhad a gweithgaredd yn yr amgylchedd naturiol;</li><li>8. Effeithiau economaidd.</li></ol></li></ul> <p>Sicrhodd Prif Weithredwr yr Ymddiriedolaeth y Cyngor fod yr incwm a wnaed o'r trefniant partneriaeth yn cefnogi ailddatblygu/adnewyddu sefydliadau lechyd, Hamdden a Lles yn ogystal â Pharciau Gwledig.</p> <p>Roedd y bartneriaeth hefyd wedi cynorthwyo i gefnogi gwasanaethau llyfrgell ledled y Fwrdeistref Sirol, gan gynnwys trwy gyfleusterau symudol.</p> <p>Ar ôl i'r cyflwyniad ddod i ben, ymatebodd y Swyddogion i gwestiynau gan yr Aelodau.</p> <p>Roedd rhai enghreifftiau o'r rhain fel a ganlyn:-</p> <ul style="list-style-type: none"><li>• Mae Parc Gwledig Bryngarw yn gyfleuster rhagorol. A allem ni geisio ehangu'r hyn sydd gan B-Leaf a Wood B trwy waith Cyflogadwyedd (neu drwy broses Buddsoddi i Arbed), â'r bwriad o roi cyfle i fwy o bobl fod yn rhan o'r gwasanaethau y maent yn eu darparu. Roedd yn eithriadol o bwysig sicrhau bod pobl ag anableddau a theuluoedd difreintiedig yn gallu cael mynediad i gyfleusterau diwylliannol yn y Fwrdeistref Sirol, er mwyn iddynt fyw bywydau mwy bodlon;</li><li>• Nid yw'r llyfrgell ym Mlaengarw yn gwbl addas i'r diben, gydag ychydig iawn o offer TGCh ac amgylchedd wedi'i oleuo'n wael. Mae angen gwelliannau yno. Hefyd, a allem ystyried hysbysebu'r</li></ul>
--	--

**CYNGOR - DYDD MERCHER, 18 HYDREF 2023**

	<p>cyfleuster hwn heblaw ar-lein yn unig lle nad yw rhai o'r genhedlaeth hŷn yn cael mynediad;</p> <ul style="list-style-type: none"><li>• Llongyfarchwyd Awen am sicrhau cyllid gan Gyngor Celfyddydau Cymru. Roedd hwn yn gyflawniad sylweddol;</li><li>• Os oes sefyllfa lle mae dau gyfleuster diwylliannol mawr yn cael eu cau er mwyn gwneud gwelliannau iddynt ar yr un pryd, hynny yw, Pafiliwn y Grand, Porthcawl a Neuadd y Dref Maesteg, pa fath o effaith ariannol fyddai hyn yn ei gael ar Awen, er enghraifft, colli incwm mewn dau brif leoliad</li></ul> <p>I gael rhagor o fanylion am y drafodaeth ar yr eitem hon, cliciwch <a href="#">yma</a>.</p> <p><b><u>PENDERFYNWYD:</u></b> Bod y Cyngor yn nodi'r cyflwyniad a'r adroddiad ategol.</p>
Dyddiad y Gwnaed y Penderfyniad	18 Hydref 2023

Teitl yr Adroddiad	Targedau Cynllun Cyflawni'r Cynllun Corfforaethol
Penderfyniad a Wnaed	<p>Cyflwynodd y Prif Weithredwr adroddiad, a'i bwrpas oedd cyflwyno'r targedau perfformiad blynyddol arfaethedig i'w cymeradwyo ar gyfer 2023-24 ar gyfer y dangosyddion perfformiad yn y Cynllun Cyflawni Cynllun Corfforaethol (CPDP) sy'n cefnogi Cynllun Corfforaethol newydd y Cyngor.</p> <p>Dangoswyd enghreifftiau o rai o'r data Dangosyddion Perfformiad a Tharged ym mharagraff 4.1 o'r adroddiad, gyda gwybodaeth fanylach yn Atodiad 1.</p> <p>Rhai o'r cwestiynau a ofynnwyd ar yr adroddiad a'r sylwadau a wnaed, yr ymatebwyd iddynt gan Swyddogion oedd :-</p> <ul style="list-style-type: none"><li>• Canmolwyd ymgysylltu â Throsolwg a Chraffu ar y Cynllun Corfforaethol a'i dargedau ynghyd â chyfraniad y Swyddogion wrth gynhyrchu'r ddogfen. Cydnabu Cadeirydd y Pwyllgor Trosolwg a Craffu Corfforaethol y byddai Craffu yn monitro perfformiad y Cynllun Cyflawni yn erbyn y dangosyddion arfaethedig, yn ogystal a chydgyfeirio Rhaglenni Gwaith i'r Dyfodol pob un o'r 4 Pwyllgor Trosolwg a Chraffu Awdurdod â'r rhain, er mwyn sicrhau bod cynnydd yn erbyn saith Amcan Llesiant y Cyngor a'r pum Ffordd o Weithio fel y'u cynhwysir yn y Cynllun Corfforaethol yn cael eu hasesu'n ddigonol.</li></ul>

**CYNGOR - DYDD MERCHER, 18 HYDREF 2023**

	<ul style="list-style-type: none"><li>• Mae cyflawni'r Dangosyddion Perfformiad yn dibynnu'n rhannol ar y rhain yn cael eu cefnogi'n ariannol drwy Gyllideb y Cyngor.</li><li>• Dylid gwneud targedau ar gyfer Dangosyddion Perfformiad mor glir â phosibl, gyda'r dyddiad ar gyfer cyflawni pob un o'r rhain yn heriol ond ar yr un pryd yn realistig hefyd.</li></ul> <p>Cafwyd rhagor o gwestiynau ac ymatebion mewn perthynas â'r adroddiad yn ystod yr eitem hon.</p> <p>Yn dilyn cau'r drafodaeth cwestiwn ac ateb, cafodd ei</p> <p><b><u>BENDERFYNU:</u></b> Bod y Cyngor:-</p> <p>Wedi ystyried a chymeradwyo'r targedau ar gyfer Dangosyddion Perfformiad y Cynllun Corfforaethol a ddangosir yn Atodiad 1 i'r adroddiad.</p>
Dyddiad y Gwnaed y Penderfyniad	18 Hydref 2023

Teitl yr Adroddiad	Diweddariad Rhaglen Gyfalaf Chwarter 2 2023-24
Penderfyniad a Wnaed	<p>Cyflwynodd y Prif Swyddog Cyllid, Perfformiad a Newid adroddiad yn amlinellu diweddariad ar y Rhaglen Gyfalaf ar gyfer y cyfnod uchod.</p> <p>Esboniodd fod y Cod Darbodus ar gyfer Cyllid Cyfalaf mewn Awdurdodau Lleol yn ei gwneud yn ofynnol i Awdurdodau Lleol gael Strategaeth Gyfalaf sy'n dangos bod yr Awdurdod yn cymryd penderfyniadau gwariant cyfalaf a buddsoddi yn unol ag amcanion gwasanaeth ac yn rhoi ystyriaeth briodol i stiwardiaeth, gwerth am arian, darbodusrwydd, cynaliadwyedd, a fforddiadwyedd. Er mwyn dangos bod y Cyngor wedi cyflawni'r amcanion hyn, mae'r Cod Darbodus yn nodi nifer o Ddangosyddion y mae'n rhaid eu gosod a'u monitro bob blwyddyn. Cymeradwywyd Strategaeth Gyfalaf y Cyngor 2023-24, sy'n ymgorffori'r Dangosyddion Darbodus ar gyfer 2023-24, gan y Cyngor ar 1 Mawrth 2023.</p> <p>Cododd yr Aelodau nifer sylweddol o gwestiynau ar yr adroddiad, ac mae enghreifftiau ohonynt fel a ganlyn:-</p> <ul style="list-style-type: none"><li>• O ran cynllun uwchraddio Waterton, mae hyn bellach wedi llithro i 2024/25, gyda'r dyraniad</li></ul>

cyllidebol ar gyfer hyn yn dibynnu ar werthu tir sydd bellach yn cael ei ystyried yn anhyfyw. Beth fydd cwmpas y prosiect pan fydd yn cael ei ailymweld ac o ystyried y pwysau ariannol sy'n wynebu'r Awdurdod, o ble bydd y £3.5m a neilltuwyd yn wreiddiol ar gyfer y prosiect yn tarddu.

- Sylwaf fod £1.9m wedi'i ddyrannu tuag at feysydd chwarae, ond hyd yma, dim ond £32k sydd wedi'i wario ar y rhain hyd yma eleni. A ydym yn hyderus y bydd y dyraniad sy'n weddill yn cael ei wario yn ystod y flwyddyn ariannol hon ac a oedd gennym ni wariant rhagamcanol ar lefel y cyllid a fyddai wedi'i ymrwymo ar y cam presennol hwn o'r flwyddyn ariannol.
- Pa gyfran o'r Rhaglen Gyfalaf fydd yn cynhyrchu refeniw neu arbedion ychwanegol megis, er enghraifft, defnyddio arian i brynu tai â'r bwriad o leihau ein gwariant ar ddiartrefedd.
- O ran y Grant Gwella Hawliau Tramwy Cyhoeddus, a fydd hwn yn cael ei roi ar waith y flwyddyn nesaf, fel y gallwn wneud y mwyaf o'r buddsoddiad hwnnw mewn gwella/darparu llwybrau troed ac ati, ledled y Fwrdeistref Sirol.
- Pryd fydd y Cyngor yn derbyn diweddariad ar gost y gwaith sydd ei angen i ddiweddar ac atgyweirio marchnad Dan Do Pen-y-bont ar Ogwr a hefyd, pryd fydd y gwaith hwn yn digwydd.
- Rhaglen Datblygu Llynfi - £2.177m, mae'n siomedig gweld nad ydym wedi gallu trosi'r benthyciad hwnnw yn grant nad oes rhaid ei ad-dalu. Gan fod yr Astudiaeth Dichonoldeb a gynhaliwyd wedi datgelu na ellir defnyddio tir o'r fath ar gyfer datblygu tai, a ellid ailbwrpasu'r tir ar gyfer defnydd amgylcheddol neu hamdden.
- A oes unrhyw gynlluniau yn y dyfodol i gyflwyno'r iPadau a ddarparwyd yn ddiweddar i ddisgyblion Ysgol Gyfun Brynteg i ysgolion eraill y Fwrdeistref Sirol.

Ymatebwyd i'r cwestiynau hyn gan y Prif Weithredwr a'r Cyfarwyddwr Corfforaethol.

Rhannwyd rhagor o gwestiynau ac ymatebion i'r rhain yn y cyfarfod.

**PENDERFYNWYD:** Bod y Cyngor:

- wedi nodi diweddariad Chwarter 2 hyd at 30 Medi 2023 Rhaglen Gyfalaf y Cyngor 2023-24 (Atodiad A i'r adroddiad).
- wedi nodi'r llithriad o £15.809 miliwn hyd at 2024-25 fel y nodir yn Atodiad B.
- wedi cymeradwyo'r trosglwyddiadau rhwng cynlluniau fel y manylir arnynt yn Atodiad B.
- wedi cymeradwyo'r cynlluniau/ychwanegiadau newydd i'r rhaglen gyfalaf gwerth cyfanswm o £0.737 miliwn fel yr amlinellir yn Atodiad B.
- wedi nodi ymhellach y Dangosyddion Darbodus ac Eraill a ragamcenir ar gyfer 2023-24 (Atodiad C).



**CYNGOR - DYDD MERCHER, 18 HYDREF 2023**

Dyddiad y Gwnaed y Penderfyniad	18 Hydref 2023
---------------------------------	----------------

Teitl yr Adroddiad	Adroddiad Hanner Blwyddyn ar Reoli'r Trysorlys 2023-24
Penderfyniad a Wnaed	<p>Cyflwynodd y Prif Swyddog Cyllid, Perfformiad a Newid adroddiad yn cadarnhau bod paragraff 22.5 o'r Rheolau Gweithdrefn Ariannol yn ei gwneud yn ofynnol iddi mewn rôl statudol, i adrodd yn chwarterol i'r Cyngor yn crynhoi gweithgarwch benthycyca a buddsoddi ac yn nodi cydymffurfiaeth ag unrhyw ganllawiau statudol neu ganllawiau a gymeradwywyd gan y Cyngor, ynghyd ag adroddiad hanner blwyddyn a blynyddol i'r Cyngor.</p> <p>Roedd yr adroddiad yn rhoi'r wybodaeth ddiweddaraf am weithgaredd Rheoli'r Trysorlys ar gyfer hanner blwyddyn 1 Ebrill – 30 Medi 2023. Ar 30 Medi 2023 roedd gan y Cyngor £99.79 miliwn o ddyled hirdymor, £13.36 miliwn o rwymedigaethau hirdymor eraill ac £85.50 miliwn o fuddsoddiadau tymor byr, sef sefyllfa dyled net gyffredinol o £27.65 miliwn.</p> <p>Y gyfradd llog gyfartalog ar gyfer dyled oedd 4.69% (ac eithrio benthyciad Salix sy'n ddi-log) ac ar gyfer buddsoddiadau roedd yn 4.42%.</p> <p>Mae gan y Cyngor strwythur aeddfedrwydd hylaw o ran benthycyca, gyda'i ddyled bresennol yn ad-daladwy ar wahanol adegau dros y 30 mlynedd nesaf.</p> <p>Roedd y Cyngor wedi cydymffurfio â Chod Rheoli'r Trysorlys y Sefydliad Siartredig Cyllid Cyhoeddus a Chyfrifyddiaeth a Chanllawiau Buddsoddi Llywodraeth Cymru o ran darpariaethau'r adroddiad a'i argymhellion.</p> <p>Cyflwynwyd yr adroddiad er mwyn diweddarau'r Aelodau ar y sefyllfa ariannol bresennol mewn perthynas ag arian benthycyca a rhoi benthycy CBS Pen-y-bont ar Ogwr, dywedodd y Swyddog.</p> <p><b><u>PENDERFYNWYD:</u></b> Bod y Cyngor:</p> <ul style="list-style-type: none"><li>• Wedi nodi gweithgareddau rheoli'r trysorlys ar gyfer 2023-24 am y cyfnod hanner blwyddyn 1 Ebrill 2023 i 30 Medi 2023</li></ul>

**CYNGOR - DYDD MERCHER, 18 HYDREF 2023**

	<ul style="list-style-type: none"><li>• Wedi nodi ymhellach y Dangosyddion Rheoli Trysorlys am yr hanner blwyddyn yn dod i ben 30 Medi 2023 yn erbyn y rheini a gymeradwywyd yn y Strategaeth Rheoli Trysorlys 2023-24.</li></ul>
Dyddiad y Gwnaed y Penderfyniad	18 Hydref 2023

Teitl yr Adroddiad	Gwneud Is-ddeddfau Harbwr Porthcawl
Penderfyniad a Wnaed	<p>Cyflwynodd y Cyfarwyddwr Corfforaethol - Cymunedau adroddiad yn gofyn am gymeradwyaeth y Cyngor i wneud Is-ddeddfau newydd ar gyfer Harbwr Porthcawl fel y manylwyd yn Atodiad 2 i'r adroddiad.</p> <p>Eglurodd hi y byddai'r Is-ddeddfau diwygiedig yn disodli'r rhai sy'n bodoli ar hyn o bryd, nad oeddent bellach yn cael eu hystyried yn addas i'r diben ac y byddai'r Is-ddeddfau newydd yn cynorthwyo i gynyddu mesurau iechyd a diogelwch o fewn lleoliad yr harbwr.</p> <p><b><u>PENDERFYNWYD:</u></b> Bod y Cyngor:</p> <ol style="list-style-type: none"><li>(1) Yn cytuno i wneud yr Is-ddeddfau yn y ffurf a nodir yn Atodiad 2 i'r adroddiad ac awdurdodwyd gosod sêl y Cyngor ar yr is-ddeddfau.</li><li>(2) Yn awdurdodi'r Cyfarwyddwr Corfforaethol - Cymunedau i gymryd yr holl gamau angenrheidiol i ymdrin â'r is-ddeddfau unwaith y cânt eu gwneud fel y disgrifir ym mharagraff 3.10 yr adroddiad.</li></ol>
Dyddiad y Gwnaed y Penderfyniad	18 Hydref 2023

Teitl yr Adroddiad	Trefniadau Trosolwg a Chraffu Cyd-bwyllgor Corfforaethol De-Ddwyrain Cymru
Penderfyniad a Wnaed	<p>Cyflwynodd y Prif Swyddog, Gwasanaethau Cyfreithiol a Rheoleiddiol, Adnoddau Dynol a Pholisi Corfforaethol adroddiad yn gofyn am gymeradwyaeth y Cyngor i benodi Cydbwyllgor Trosolwg a Chraffu Bargaen Ddinesig Prifddinas-Ranbarth Caerdydd (y "JOSC") yn Gyd-bwyllgor Trosolwg a Chraffu ar gyfer De-Ddwyrain Cymru (CJC) a chytuno ar y Cylch Gorchwyl drafft ar gyfer eu swyddogaethau.</p> <p>Byddai argymhellion yr adroddiad a eglurodd y Swyddog uchod yn cynorthwyo i gefnogi trefniadau</p>

**CYNGOR - DYDD MERCHER, 18 HYDREF 2023**

	<p>cydweithio rhwng awdurdodau lleol cyfagos.</p> <p><u>PENDERFYNWYD:</u> Bod y Cyngor:</p> <ol style="list-style-type: none"><li>(1) Yn penodi'r Cydbwyllgor Trosolwg a Chraffu Bargen Ddinesig Prifddinas-Ranbarth Caerdydd (JOSC) yn Gyd-bwyllgor Trosolwg a Chraffu ar gyfer y CJC.</li><li>(2) Yn cymeradwyo'r Cylch Gorchwyl drafft cychwynnol ar gyfer ei swyddogaethau mewn perthynas â'r CJC, fel y'i hatodwyd yn Atodiad 1 yr adroddiad, gan nodi y bydd y Cyd-bwyllgor Trosolwg a Chraffu yn adolygu'r Cylch Gorchwyl ac y bydd unrhyw newidiadau arfaethedig yn cael eu hadrodd yn ôl i'r cynghorau cyfansoddol.</li><li>(3) Yn nodi yr ymdrinnir â'r gost o weinyddu'r JOSC i'r CJC gan gytundeb lefel gwasanaeth rhwng CBSRhCT a'r CJC, i'w gwblhau maes o law.</li></ol>
Dyddiad y Gwnaed y Penderfyniad	18 Hydref 2023

Teitl yr Adroddiad	Adroddiad Gwybodaeth i'w Nodi
Penderfyniad a Wnaed	<p>Hysbysodd y Prif Swyddog, Gwasanaethau Cyfreithiol a Rheoleiddiol, AD a Pholisi Corfforaethol y Cyngor am adroddiad gwybodaeth i'w nodi, a oedd wedi'i gyhoeddi ers y cyfarfod arferol diwethaf.</p> <p><u>PENDERFYNWYD:</u> Bod y Cyngor yn cydnabod cyhoeddi'r adroddiad y cyfeiriwyd ato ym mharagraff 3.1 yr adroddiad.</p>
Dyddiad y Gwnaed y Penderfyniad	18 Hydref 2023

Teitl yr Adroddiad	Eitemau Brys
Penderfyniad a Wnaed	Dim.

**CYNGOR - DYDD MERCHER, 18 HYDREF 2023**

Dyddiad y Gwnaed y Penderfyniad	18 Hydref 2023
---------------------------------	----------------